

Retningslinjer for prioritering ved utleige av Radøyhallen

Radøyhallen er eit kommunalt idrettsanlegg som består av idrettshall («handballstorleik»), 25-meters basseng, terapibasseng og skytebane. I tilknytning idrettshallen ligg også ungdomens hus med kjøkken og sosialt rom.

Desse retningslinjene gjeld ikkje skytebana, som vert disponert av Radøy skyttarlag, og ungdomens hus, som vert disponert av Radøy ungdomsklubb. Eventuell leige av desse delane av Radøyhallen må avtalast med skyttarlaget og ungdomskoordinatoren.

Fordeling av faste leigetider

Faste leigetider vert fordelte for eitt år om gangen. Kultur- og sørvistorget sender ut skriv med påminning om å melda inn ynskt leigetid til aktuelle leigetakarar i løpet av april. Fristen skal i tillegg annonserast på nettsidene til kommunen, på facebook og i lokalavisene. Kring midten av mai vert faste leigetider eitt år fram i tid fordelte i møte der kultur- og sørvistorget, Radøyhallen, ungdomskoordinatoren og idrettsrådet er representerte. Råd for menneske med nedsett funksjonsevne skal uttala seg i samband med fordeling av tid i terapibassenget.

Fordeling av tid i idrettshallen og 25-meters bassenget skal prioriterast i følgjande rekkjefølgje:

1. Idrettslege aktivitetar for born og unge i regi av Radøy kommune eller lag og organisasjonar i kommunen.
2. Idrettslege aktivitetar for vaksne i regi av Radøy kommune eller lag og organisasjonar i kommunen.
3. Aktivitetar i regi av Radøy kommune eller lag og organisasjonar i kommunen.
4. Aktivitetar i regi av andre aktørar som held til i Radøy kommune.
5. Aktivitetar i regi av aktørar utanfor Radøy kommune.

Alle som leiger Radøyhallen pliktar å oppgje kor stor del av hallen dei treng slik at hallen evt kan leigast ut til fleire aktørar samstundes.

Fordeling av tid i terapibassenget skal prioriterast i følgjande rekkjefølgje:

1. Aktivitetar for menneske med nedsett funksjonsevne i regi av Radøy kommune
2. Aktivitetar for menneske med nedsett funksjonsevne i regi av lag og organisasjonar i kommunen.
3. Aktivitetar for menneske med nedsett funksjonsevne i regi av private aktørar i kommunen.
4. Aktivitetar for andre brukargrupper i kommunen
5. Aktørar utanfor kommunen

Utleige til arrangement og aktivitetar på tidspunkt der anlegga er ledige

Alle kan be om å få leiga anlegga i Radøyhallen på tidspunkt anlegget er ledig. Kommunen vil vurdere om kriteria for utleige av hallen er oppfylt.

Det er i regelen ikkje mogleg å booka Radøyhallen meir enn seks månader fram i tid, men ein kan gjera unntak for større arrangement i regi av aktørar i kommunen der tidleg avklaring er viktig for planlegginga av arrangementet.

Utleige til arrangement på tidspunkt anlegga er opptatt

Dersom ein aktør ynskjer å leiga Radøyhallen på eit tidspunkt der anlegget er opptatt, må ein senda søknad til kommunen. Dersom kriteria for utleige av anlegget er oppfylte, vil kommunen vil gå i dialog med dei som har booka anlegget for å sjå om det er mogleg å få til ei løysing. Om dialogen ikkje fører fram kan kommunen, i samråd med idrettsrådet, innvilga søknaden på bekostning av den som booka hallen først. Dette skal berre skje dersom det ikkje medfører store ulemper for leigetakaren som først fekk tildelt tid.

Søknad om å bruka hallen eller bassenga på tidspunkt der anlegget er booka, må skje seinast éin månad før arrangementet.

Store, årlege arrangement til faste tider i regi av lag og organisasjonar i Radøy kommune som Manger cup og Mangerfestivalen kan leggjast inn fleire år fram i tid.

Kriterium for utleige av hallen

- Det skal vera minst éin ansvarleg person over 18 år tilstades i heile leigetida.
- I bassenget skal minst to personar med livreddingskurs vera til stades.
- Alle som leiger hallen pliktar å setja seg inn i reglementet for utleige av hallen og gjera seg kjend med tryggleiksinstruksen.
- Kommunen vil i kvart einskild tilfelle vurdere om vilkåra for utleige av anlegga er oppfylte og i tråd med aktuelle lover og reglar.